

आज म्हारे आंगनिया में,  
गौरी पुत्र आया जी,  
गौरी पुत्र आया जी,  
भक्ता रे मन रे भाया जी,  
आज म्हारे आंगणिया में,  
गौरी पुत्र आया जी ॥

कमर तागड़ी पग पैजनिया,  
हाथ झझरियों लाया जी,  
नैना में काजलियो थारे,  
माथे चांद मंडाया जी,  
आज म्हारे आंगणिया में,  
गौरी पुत्र आया जी ॥

पहर जरी को झगलो चोटी,  
रेशम फूल गुथाया जी,  
टुमक टुमक पगां धरे हैं,  
गणपति बोले तुतलाया जी,  
आज म्हारे आंगणिया में,  
गौरी पुत्र आया जी ॥

चौकी पर सिंहासन जहां पर,  
सुंदर वस्त्र बिछाया जी,  
चरण धोए चरणामृत लीनो,

शिवनंदन ने बिठाया जी,  
आज म्हारे आंगणिया में,  
गौरी पुत्र आया जी ॥

अक्षत चंदन धूप दीप कर,  
पुष्प हार पेराया जी,  
भोग लगावन एक थाल में,  
लाडूड़ा मंगवाया जी,  
आज म्हारे आंगणिया में,  
गौरी पुत्र आया जी ॥

लाडू देख विनायक जी को,  
मनडो घणो हरषायो जी,  
उठा उठा कर खावे गणपत,  
रुचि रुचि भोग लगावे जी,  
आज म्हारे आंगणिया में,  
गौरी पुत्र आया जी ॥

देख छटा श्री गणपति जी की,  
मन मारो ललचाए जी,  
नजर न लगे लंबोदर के,  
राई लूण करया जी,  
आज म्हारे आंगणिया में,  
गौरी पुत्र आया जी ॥

विघ्न निवारण मंगल कारण,  
रिद्धि सिद्धि संग में लाया जी,

मित्र मंडल श्री गणपत जी का,  
प्रेम सूं लाड लडाया जी,  
आज म्हारे आंगणिया में,  
गौरी पुत्र आया जी ॥

आज म्हारे आंगणिया में,  
गौरी पुत्र आया जी,  
गौरी पुत्र आया जी,  
भक्ता रे मन रे भाया जी,  
आज म्हारे आंगणिया में,  
गौरी पुत्र आया जी ॥

Singer Uma Sharma Chittoragh

Source:

<https://www.bharattemples.com/aaj-mhare-aanganiya-me-gauri-putra-aaya-ji/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>